



Inatsisartuni ilaasortaq  
Harald Bianco, Inuit Ataqtigiit  
Maani/

### § 37 naapertorlugu apeqquteqaammut nr. 014\_2024-mut tunngasumut akissut

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiussaqaarsimavutit, ajornaarnersuartut ittumik ikiorsiisimaneq pillugu. Apeqqutitit uanga suliassaqaarfigisannut akisassanngortinneqarsimapput.

#### Apeqqut:

1. Avanersuarmi Ittoqqortoormiinilu piniartut aalisartullu ajunaarnersuartut ittumik pisoqarnerani sooruna ilaannat tapiiffigineqartut?

#### Akissut:

Qinnuteqartitsinissaq avammut nalunaarutigineqarnerata kingorna qinnuteqartitsineq ingerlanneqareermat sumiiffinni taaneqartuni qinnuteqarsimasut tamarmik ikiorserneqarput.

#### Apeqqut:

2. Piniartut aalisartullu Tasiilami aamma nunaqarfianiittut sooruna tapiiffigineqanngitsut?

#### Akissut:

Pissutsinik qanoq ittoqarsimanerani mississuereernermi, uvani silap pissusaa ilaatinneqarluni, aammalu ukiup ingerlanerani periarfissaasimasut nalilersoreerlugit, minnerunngitsumik qinnuteqaatit qanoq imaqaarnersut aallaavigalugit aalajangiunneqarpoq Qaanaap eqqaanilu kiisalu Ittoqqortoormiuni silap pissusaata allanngornerani patsiseqartumik ajunaarnersuartut ittumik pisoqartoq. Piffinni takkunani nalunaarutigineqarpoq, suli sikunngitsoq, massa novemberip qaammataani nalinginnaasumik sikoreersimasaraluartoq, aammalu anorliinnavissorsuummat piniariartoqarsinnaanani, aalisariartoqarsinnaaniluunniit. Nunallu sinnerani piffiit assigiinngitsut ajunaarnersuartut ittumik nalaanneqanngitsut aammattaaq naliliisoqarluni. Tassani Tasiilaq ilaavoq.

Naggataagut oqaatigissavara, maluginiarakku apeqqutit kalaallisut qallunaatullu assigiinngimmata.

Inussiarnersumik inuulluaqqusillunga

Kim Kielsen  
Aalisarnermut Piniarnermullu Naalakkersuisoq

Ulloq: 31-01-2024  
Suliap normua: 2024 - 2144  
Akt normu: 23831998

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apn@nanoq.gl  
www.naalakkersuisut.gl